



## Ikinyamakuru k'imihindagurikire y'ikirere N°32, kigenewe abahinzi- borozi, igice cya kabiri Ugushyingo (11- 20), 2020

Cyasohotse ku itariki ya 23 Ugushyingo 2020

### Incamate


Mu minsi icumi y'igice cya kabiri, Ukwakira 2020 kuva tariki ya 11 kugeza tariki ya 20, byagaragaye ko isangano ry'imiyaga rikiri mu karere u Rwanda ruherereyemo, ibi byatumye imvura iboneka ahenshi mu gihugu. Imvura iri mukigereranyo ndetse no hejuru y'ikigereranyo cy'impuzandengo y'imvura isanzwe igwa yapimwe ahenshi mu gihugu uretse ku bupimiro bwa Gitega, ku Kibuga cy'Indege cya Musanze ndetse no ku kibuga cy'indege cya Rubavu hapimwe imvura nke ku isanzwe ihagwa. Igiteranyo cy'imvura nyinshi yapimwe mu Ntara y'Amajyarugu ku bupimiro bwa ISAE-Busogo ahapimwe milimetero 147.4 mu minsi itandatu, ku bupimiro bwa Bugarama mu Ntara y'Iburengerazuba hapimwe milimetero 105.2 mu minsi itandatu naho ku bupimiro bwa Ngoma-Kazo mu Ntara y'Iburasiruzuba hapimwe milimetero 103.3 mu minsi itandatu. Imvura nke iri minsi ya milimetero 30 yapimwe ku bupimiro bwa Gitega hapimwe milimetero 26 ndetse no ku bupimiro bwo ku kibuga cy'indege cya Musanze hapimwe milimetero 21.8. Iyipimo by'ubushyuhe ni nk'ibisanzwe mu gice cya kabiri cy'Ugushyingo, aho igipimo cy'ubushyuhe bwo hejuru cyari hagati ya dogere Selisiyusi (°C) 20.2 ku bupimiro bwa Gicumbi ndetse na dogere Selisiyusi 29.7 muri Rusizi ku bupimiro bwa Bugarama naho igipimo cy'ubushyuhe bwo hasi cyari hagati ya 11.6°C muri Musanze ku bupimiro bwo ku kibuga cy'indege cya Musanze na 18.5°C ku bupimiro bwa Bugarama. Ubuhehere n'ubushyuhe bw'ubutaka twagize muri iki gice byari byiza kandi bihagije ku bihingwa bitandukanye.

### **1.0. Imvura yaguye**

Aha turerekana ingano y'imvura yaguye, umubare w'iminsi imvura yaguye n'ubuhere bw'ubutaka mu minsi icumi y'igice cya kabiri cy'Ugushyingo 2020.

### **1.1. Ingano y'imvura yaguye**


Ikarita ya mbere hasi irekana ingano y'imvura yaguye mu minsi icumi y'igice cya kabiri cy'Ugushyingo 2020. Muri iki gice imvura yapimwe yari iri mukigereranyo ndetse no hejuru y'ikigereranyo cy'impuzandengo y'imvura isanzwe igwa ahenshi mu gihugu cyane cyane mu Ntara y'Iburengerazuba iy'Amajyaruguru n'iy'Iburasiruzuba.



**Ikarita ya 1: Ingano y'Imvura yaguye mu gice cya kabiri cy'Ugushyingo 2020**

## 1.2 Impuzandengo y'imvura isanzwe igwa mu minsi icumi y'igice cya kabiri cy'Ugushyingo

Ufatiye ku bipimo by'igihe kirekire, ikarita ya kabiri iratwereka imvura isanzwe igwa mu minsi icumi y'igice cya kabiri cy'Ugushyingo. Ubusanzwe iki gice kigusha imvura iri hagati ya milimetero 28.3 na milimetero 60.6; bigaragara ko ugereranyije imvura yaguye n'isanzwe igwa mu gihe kirekire, muri iyi minsi icumi imvura yabayeye nyinshi mu bice byinshi by'igihugu.




**Ikarita ya 2: Imvura isanzwe igwa mu gice cya kabiri cy'ukwezi k' Ugushyingo**

## 1.3. Umubare w' iminsi imvura yaguyemo

Ikarita ya 3 iragaragaza umubare w'iminsi imvura yaguyemo, mu gice cya mbere mu kwezi k'Ugushyingo 2020. Umunsi tubara ko wagushyije imvura ni uwapimweho byibuze milimetero 0.85 cyangwa nyinshi.

Muri iki gice nibura ahantu henshi hagushyije imvura hagati y'iminsi ine n'iminsi icyenda (4-9) uretse ku bupimiro bwa Nyagatare imvura yaguye mu minsi itatu. Imvura yaguye neza mu gihugu hose, yarihagije kugira ngo ibihingwa bikenera imvura bikure neza. Mu gice cya gatatu mu kwezi k'Ugushyingo hateganyijwe ko iminsi imvura izagwa iri hagati y'iminsi itatu (3) n'iminsi irindwi (7).



**Ikarita ya 3: Umubare w'iminsi imvura yaguyemo**

## 1.4 Ubuhehere bw'Ubutaka

Aha turagaragaza muri rusange uko ubuhehere bw'ubutaka bwari bumeze. Ahenshi mu gihugu ubuhehere bw'ubutaka muri iyi minsi icumi y'igice cya kabiri cy'Ugushyingo 2020 bwari mu kigereranyo gisanzwe bitewe n'ibihe by'imvura ndetse n'ibicu byiganje byaranze iyi minsi. Hateganyijwe ko ubuhehere bw'ubutaka buzakomeza kuba bwiza mu gice cya gatatu cy'Ugushyingo bitewe n'uko ibihe by'imvura biteganyijwe kwiyongera.


## 2.0. Ibipimo by'ubushyuhe

Aha turareba muri rusange uko ibipimo by'ubushyuhe bwo hejuru no hasi hirya no hino mu gihugu byari bimeze.

## 2.1 Igipimo cy'ubushyuhe bwo hejuru

Ikarita ya 4 irerekana ubushyuhe bwo hejuru. Ugendeye ku bipimo by'ubushyuhe dusanzwe dupima, ahenshi mu gihugu ubushyuhe bwari mu kigereranyo cy'impuzandengo y'igihe kirekire, mu Ntara y'Iburasirazuba, mu Mujyi wa Kigali, ndetse n'igice kinini cy'Iburengerazuba cyane cyane mu Majyepfo yaho niho hashyushye kurusha ahandi. Mu Ntara y'Amajyaruguru, y'Iburengerazuba akaba ariho hakonje ugereranyije n'ahandi mu gihugu.


iy'Amajyepfo n'igice kinini cy'Intara Ibipimoby'ubushyuhe byari hagati ya dogere Selisiyusi 20.2 na 26.2 ahenshi mu gihugu, uretse ku bupimiro bwa Bugarama hashyushye cyane hapimwe dogere selisiyusi 29.7



**Ikarita ya 4: Ubushyuhe bwo hejuru**

**2.2. Igipimo cy'ubushyuhe bwo hasi**

Ikarita ya gatanu irerekana uko ubushyuhe bwo hasi bwanganaga. Ubushyuhe bwo hasi bwari hagati ya dogere Selisiyusi 11.6°C (Ku kibuga cyindege cya Musanze) na dogere Selisiyusi 18.5°C ku bupimiro bwa Bugarama. Mu Majyaruguru y' u Rwanda niho hakonje cyane kurusha ahandi mu gihugu.



**Ikarita ya 5: Ubushyuhe bwo hasi**

**3.0 Iteganyagihe rigenewe abahinzi mu minsi icumi y'igice cya gatatu cy'Ugushyingo (tariki 21-30) 2020**

**3.1 Ikirere giteganyijwe**

Mu gice cya Gatatu cy'ukwezi k'Ugushyingo 2020 (hagati y'italiki ya 21 n'iya 30) mu Rwanda hateganyijwe imvura iri hagati ya milimetero 40 na 160 izagwa mu buryo bukurikira:

**Intara y'Iburasirazuba:** Hateganyijwe imvura iri hagati ya milimetero 40 na 120. Mu burasirazuba bwa Nyagatare, Gatsibo na Kayonza hateganyijwe imvura iri hagati ya milimetero 40 na 50 mugihe mu majyepfo ya Bugesera, Ngoma na Kirehe hateganyijwe imvura iri hagati ya milimetero 80 na 120. Ahandi hasigaye hateganyijwe hagati ya milimetero 50 na 80.


**Umujyi wa Kigali:** Mu majyepfo y'iburasirazuba bwa Gasabo hateganyijwe imvura iri hagati ya milimetero 50 na 60 mu gihe ahasigaye mu mujyi wa Kigali hateganyijwe imvura iri hagati ya milimetero 60 na 80.

**Intara y'Amajyepfo:** Mu burengerazuba bwa Nyaruguru hateganyijwe imvura igera kuri milimetero 150, ahasigaye muri aka karere kongeraho uturere twa Nyamagabe, Huye na Gisagara hateganyijwe imvura iri hagati ya milimetero 100 na 120 naho mu tundi turere dusigaye hateganyijwe imvura iri hagati ya milimetero 60 na 100.

**Intara y'Iburengerazuba:** Hateganyijwe imvura iri hagati ya milimetero 80 na 100 mu burasirazuba bwa Karongi na Ngororero, imvura iri hagati ya milimetero 120 na 150 muri Rubavu, Rusizi no mu burengerazuba bwa Nyamasheke na Nyabihu n'imvura iri hagati ya milimetero 100 na 120 ahandi hose hasigaye.

**Intara y'Amajyaruguru:** Muri iyi ntara hateganyijwe imvura iri hagati ya milimetero 40 na 120. Mu majyepfo ya Rulindo na Gicumbi hateganyijwe imvura iri hagati ya milimetero 60 na 80, ahasigaye

mu turere twa Gicumbi na Rulindo kongeraho akarere ka Gakenke hateganyijwe imvura iri hagati ya milimetero 80 na 100 mugihe mu turere twa Burera na Musanze hateganyijwe imvura iri hagati ya milimetero 100 na 120. Imvura iteganyijwe iri hejuru y'ikigereranyocy'imvura isanzwe igwa mu gice cya gatatu cy'Ugushyingo ikaba izaturuka ku isangano ry'imiyaga rizongera umwuka uhehereye mu karere u Rwanda ruherereyemo uko rigenda rigana mu gice cy'epfo cy'Isi.



**Ikarita ya 6: Iteganyagihe ry'imvura mu gice cya gatatu cy'Ugushyingo 2020.**

### 3.2 Ibirebana n'imirimo y'ubuhinzi

Inzego z'ubuhinzi ziragirwa inama yo kwihutisha, kugeza inyongeramusaruro ku bahinzi, gutegura ibikoresho byifashishwa mu mirimo yo kuhira cyane cyane mu bice bikunze kugira imvura idahagije ndetse no kwita ku mihingire ibika amazi mu butaka. Muri iki gice cya gatatu ibihingwa byinshi bigeze mu gihe cyo kuzana indabo, imirimo izibandwaho cyane ni iyo kwita kuri ibyo bihingwa, bibagarirwa ndetse zirindwa n'ibindi byonnyi. Abahinzi barashishikarizwa gukomeza kugisha inama abashinzwe ubuhinzi babegereye mu gukomeza gutegura neza imirimo ijyanye n'ubuhinzi. Barashishikarizwa kandi kujya basura urubuga rwa Meteo Rwanda [www.meteorwanda.gov.rw](http://www.meteorwanda.gov.rw), cg guhamagara umurongo utishyurwa 6080.